

無有能過佛 志性甚牢固 放光悉徹照

日輪所照處 普度衆生類

今時世尊作如是遊步先舉右足踏地不遲
不疾行步平正亦不卒暴猶彼象王而無有
異行步堅固世尊身不搖動猶那羅延天
是時世尊諸有高者爲下下者爲高諸有小

戶自然廣大如來身體未曾屈伸皆是前世
無憍慢心諸有樂器不鼓自鳴諸有蠕動之
類皆獲安隱皆是前世修行慈心於是便說
此偈

彼有大神妙 無畏有此德 任處受善色
破裏剛強者 彼已捨憍慢 最覺自所覺
無愛欲微妙 任處受行報

十六末

僧伽羅刹所集佛行經卷第二 宜二

踣音軟 縞音古 倒切
踣音直 里切 攀音茅 睫音接 臍音丑 恭切 髀音蒲 米切

僧伽羅刹所集佛行經卷第三 樓十一

符秦世沙門僧伽跋澄譯

爾時世尊有如是迹千輻相輪現極微妙諸
相具足色甚奇無比於人中最第一生諸歡
喜百千劫所作行福所致無鹿細除去姪慈
癡本所作行無有偽諂無有衆惡不與癡相

應不造癡行有如是名稱志性質直所作無
希望不懷狐疑意有所滅除去希望行無缺
漏心無彼此功德徧具足十力成就除一切
患於是便說此偈

最勝有此德 種種行所作 分別行地業
如日出照明 彼輪隱地現 心意所觀察
當自歸命佛 如是以印地

爾時世尊如是笑作如是因緣本行所造愍
彼衆生故便現如是笑是時世尊笑時有是
第一柔軟極淨微妙所聞經耳見佛笑無塵
垢清淨無瑕本所修行亦無虛言猶如優鉢
瞻蔔華有種種香布現甘露語種種光第一

微妙心能分別

爾時世尊身作黃金色猶高山峻繞彼三币
生阿迦膩吒所於彼天宮諸得信者承受如
來教誡無所違失展轉相告便歡喜於如來
爾時世尊本所造行於是便說此偈

青黃種種色 口演禁戒光 出要如來身

天人所供養 如來眉間相 三因緣無比

至阿迦膩吒 來至如來所

爾時世尊有如是光皆是本行所造身後有
是光極妙善解脫光最第一身體有光見者
歡喜種種光明瓔珞其身諸有塵烟羅睺阿
須倫所不能障五結解脫除去愚癡

尔時世尊現甘露使彼衆生得遇此味自然
神足不可思議於是便說此偈
身體善解脫 無有能沮壞 十力有此光
愚者所不見 如來有神足 示現衆生等
大光蔽日明 是故歸命光
爾時世尊著如是衣不高不下隨時著衣滅

生死原草穢不著衣眼境和悅所至到處皆
悉歡喜有如是果實是故尊者難陀衣裳鮮
明及諸比丘在世尊側著僧伽梨無有能汚
如來衣者是時尊者難陀歎未曾有往白世
尊欲知著衣之法

世尊告曰云何難陀本無如來長夜出世云

樓十一

二

何除衆生姪怒癡垢未盡無餘便隨彼教設
當作是成就者隨嵐風不能動此衣塵垢不
染於是便說此偈

如來所著衣 自覆身形體 蓮華不著垢
此衣亦如是 若隨嵐風起 力勢難可制
欲動如來衣 誰勝十力者

爾時世尊如是乞求諸豪尊家不擇卑賤普
悉周徧無有邪命不脩食不瞻星宿十問仰
食不受信使往彼食不觀四方食不呪術幻
惑食不田業依倚食所以乞者救濟彼故無
希望意不染著食爾時世尊食無有更樂所
有染著觀如是業而受彼食亦不貪著無姪

怒癡亦無迷惑除迷惑心皆捨離染著心不
與共俱以捨彼欲愛不可沮常愛樂彼以禪
為食亦無我想苦皆悉捨離現非義此身必
盡以知捨離三事清淨無姪怒癡今云何食
欲現此身無牢固故長養其病使火不起皆
悉除棄不生亂想布現甘露修梵行故痛壞

敗不造新痛以是故世尊受彼信施食彼果
身所造報欲使安隱擁護世人於是便說此偈
處處家家乞 欲使得正法 於彼園觀處
如六足也蜂食味 不擇食好醜 不生善惡意
彼不可沮壞 心欲味解脫

爾時世尊有如是卧牀山巖穴處露坐園觀

樓十一

三

水側泉源種種華菓茂盛處快樂無比無人
之處欲求解脫於彼止住解脫諸惡亦無陰
蓋人所不到處無恐畏去離色著常樂寂靜
與衆生說法廣說如契經於是便說此偈
樹木生華菓 曼那華園觀 分別樂閑靜
青青華皆敷 於彼求解脫 是以依彼處

若詣閑居時 無聲無亂想

是時世尊以草布地無有塵垢不著裝飾極
細軟滑善生微妙若見彼影觀無厭足皆悉
觀察不高不下作是思惟展轉相依名色六
入現彼無有盡或以草布地有數降伏彼故
布草而坐無有欲想以草為蓐亦無結使皆
悉清淨古昔諸佛所造功德亦無所攝無貪
著得證通多所迴轉亦無衆惱生諸結使草
齊整亦不錯亂依彼衆生亦無陰蓋得三昧
證通以右脅著地不又睡眠尋起經行而修
行道以無覺三昧故右脅著地欲降怨敵故
昇師子座著五細綵現色非真沙門色形無
所染著而修梵行依彼衆生求解脫心於是
便說此偈
無根善衆生 釋種之功德 心所造善行
心皆自覺知 善哉大法義 無能得勝者
今於如來衆 以草除欲愛
爾時世尊云何覺知諸根所謂曩昔作如是

根氣味與相應以道故生此根降伏顛倒欲
便諸根順流與生死相應此諸根起不淨行
而依餘緣此諸根貪著世間亦染著於樂此
諸根起諸力勢一切結使熾盛此諸根驅逐
身流轉不息此諸根不成就大義此諸根迷
惑經歷諸境界此諸根猶彼劔刺傷害此諸

根苦惱此諸根猶彼瘡痍漏諸結使此諸根
猶如疾病無有力勢此無有厭足恒求不止
此諸根不休息數數起結使此諸根猶如毒
藥不斷苦本此諸根不被訓誨與諸惡相應
此諸根不藏匿境界劔刺所縛此諸根無所
護氣味不具足此諸根無有心流馳境界斯

樓十一

四

諸根不修行欲火所然境界長益此諸根有
諸苦惱遊他境界一切身心有苦於是便說
此偈

根滿境界中 為惡所將御 彼心常熾然
猶如熱鐵丸 如來教善哉 將至安隱處
無有諸根患 況當有境界

爾時世尊云何覺知心所謂依境界生便長
益此心亂想不定此心猶如疾風此心不疲
厭緣惡招致殃此心遠馳猶如夢想此心貪
著境界猶彼猕猴此心自然行種種貪著猶
彼孔雀翅常自顧影此心馳走遠思惟財業
此心起諸陰蓋亦如野馬疲厭不停此心難

制御於境界不住此心猶如王常得自在於
是便說此偈

第一甚深妙 心智無有限 夜叉須捷脊

三世不能覺 彼得是自在 自然有是念

世間無有明 我為作法光

爾時世尊云何布現覺悟世間所謂世間無

所恃怙貪著已身此世心無所依貪著境界
此世惡業依種種邪見如是此世自然所造
此世墮邪道流轉趣惡此世處惡趣猶如獼
猴此世無有照明為五陰蓋所覆此世盲冥
不起智慧眼此世飢渴渴受無厭此世熾然
種種結所縛此世少味猶蜂採華此世無所

樓十一

五

依便當壞敗此世遠遊乘輪而行此世繫縛而處生死此世衆惱生老病死至此世非妙必當壞敗此世無救護爲痛所逼此世非已所作必捨之去此世機關展轉相依此世種種行將引惡處此世如幻化而現色像此世無益生彼壞敗器此世輕舉所依不成此世

難覺寤無有境界於是便說此偈

衆生遭苦惱 觀世無有世 以智慧求道

當親近彼處 漸漸從小益 欲得愛其命

此必當壞敗 是故滅爲樂

云何於此生度泥塗猶彼池水蓮華子於其中間萌芽生漸漸長益此亦如是五味皆死

以識處往生有爲行所造圍遶爲風火所成爲僞慢水所溉受死於其中間生萌芽猶如彼萌芽生此亦如是萌芽生是故非斷滅常住猶如彼先觀萌芽此亦如是彼衆生縛著是故非斷滅有常猶如彼地爲風所吹此亦如是四大牢固受諸苦惱此亦如是是故一

刀自然猶如自然不壞蓮華生萌芽是故一切非自然一義所習猶如彼外四大爲風所吹更不復造此四大此亦如是是故一切當捨猶如於彼有生衆行此亦如是是故彼法猶如彼萌芽與子相似此亦如是大人之相不可毀壞如是性所造猶如蓮華子生萌芽

是故此無數亦不有生者猶如彼萌芽生時無有來處此亦如是是故無來無去猶如彼去時無有住止處此亦如是是故無住處猶如彼萌芽俱長益漸漸數華此亦如是無高無下猶如彼蓮華萌芽必當長益此亦如是本所造萌芽於胞胎中漸漸長益猶如彼蓮華茂葉甚可愛欲此亦如是所造衆行甚可愛敬猶如彼當熟時此亦如是子欲熟時髮毛爪齒及五根皆當捨離六情衰耗意根解散捨此身猶如彼華必當大熟猶如日光色香甚微妙蜂王所遊行甚可愛敬此亦如是初生之時四大日光所照勇猛胎所覺與彼得

樓十一

六

相類是故憍慢皆共相依甚可愛敬飢渴生死謂欲為樂彼愚癡者有如是顛倒之想此亦如是一切時節不脫老死猶彼時節無有力勢為熱風所吹盡捨離之華實各離亦無所緣亦復無蜂亦無鮮色無樂彼者此亦如是漸漸耗滅於此生中無有力勢誰有命存

內外皆損減無少壯力皆當喪逝無有莖節無齒髮無見無聞無味無香無細滑亦無更樂身體壞敗所有憍慢皆除盡亦無味著無熾盛意已越色皮緩面皺無少壯力已有是老不受種種色壞敗男女眾所害而愛著彼猶彼枯朽亦無有香各當散離此亦如是命根已盡當載向塚間猶如彼蓮華子熟後復生萌芽此相亦如是數數受有猶彼壞敗華莖想眾類於是便說此偈
 是故當棄有 亦當觀此華 猶彼生胞胎
 慇懃當求滅 欲求生萌芽 知樂空無有
 欲得到彼處 當從自意求

世尊海者其義云何所謂第一度眾到彼岸思惟無量增益功德清淨無瑕有大智慧解脫無怨恨心第一得解脫以善覺觀不離善根名聞遠布智慧普至種種香遠布猶樹茂盛七覺意實分別無常苦空無我已度智慧百福具足常入三昧無有亂志勸助眾生

接上

七

使發善心能成辦一切種種三昧於學無學中最為第一布現於法未曾懈倦等度平正語言柔和清淨無瑕無嗔怒癡於大眾中功德第一普慈一切安樂休息教授境界常念恭敬功德無窮極當於爾時世尊九十一劫中漸成此德覺知一切甚深之業欲使一切群生同其一味說法不失時節常與彼相應十力珍寶具足一切眾寶依四無所畏止宿四大為彼眾故不選擇尊卑已度世入法無增損之心於是便說此偈
 是故當求度 慇懃於道船 如來海無量
 是故拜首佛 已度到彼處 功德福無盡

以有此苦樂 當求安隱處

如來船者何者是所謂善造牢固果報習眾無所違失亦不缺漏眾行具足諸惡未盡第一甘露禁戒用纏絡身無斷滅有常想已住休息得住彼道常愛樂忍不起瞋恚分別五根等見無異想種種清淨解脫空無願無相

三三昧具足常懷慚愧度彼猶豫禪四等無色三昧種種行悉分別無有限量觀汚露不淨第一忍智常現在前姓有覺想皆悉不淨常念遠離金剛三昧而布現之無量方便欲度眾生覺意珍寶與智相應修行出要道無生老病死患更受胎欲度眾生於三世行具足不可沮壞不樂一切世俗觀一切相欲得捨離如是無增減心能度一切眾生以十力之船長夜度眾生使度彼岸常有此觀不為己身第一聲聞入徧觀三昧作種種觀承事供養繒幡華蓋以三三昧為佛印以冷旃檀塗身五通徹視種種香遠布以四無所畏為

螺鍾鼓具足無缺漏無常苦空無我欲得離生死海降伏魔眾皆使碎壞盡無為處分別法想一切不受不度者度得滅識處無苦樂至涅槃乘福車為四部眾皆使歡喜踊躍不自勝以善身口意十力船載眾皆得至一切甘露涅槃處於是便說此偈

樓上

八

無數劫苦行 而造福德船 善趣安隱處

為三世救護 彼歡喜之心 疾度生死岸

一切悉當終 盡當有是樂

尔時如來有如是日所謂禪四等具足之行無缺漏無穢行善將護為一切戒名稱遠布種種眾類皆悉敬仰使得樂止處心得歡樂無數百千劫修行苦集盡道現第一義以智慧照明除愚癡冥消滅諸苦遊彼眾中皆悉成就十力無畏勇猛意於三千世皆悉破壞愍護不度者智不破壞 尔時世尊於彼現日明無漏行具足乘大乘車等御無畏如風吹帆以念車皆與彼相應

而現在前以等志於彼所有皆悉具足等三昧思惟一切衆生類彼於三世具足翼從悉承受其教意無欲怒癡憍慢捨諸結使天人衆以華供養無有五蓋以信財布現一切衆皆使覺知無有塵埃諸結使無礙如是世尊為日光明於是便說此偈

百智已具足 於彼衆無缺 已現三世光是故拜首光 無數百劫行 滅愚盲冥癡

已能度此岸 當拜首慧日

如來蓮華者為何像貌所謂第一功德所成於三有得度有信於衆生清淨等智普悉周徧以精進力得度彼岸消滅雲霧禪悅皆悉

樓十一

九

得度念解脫無衆想以觀息彼種種穢患亦無異意等見滿足悉成辦之皆悉覺知以戒定香香聞四遠以清淨光壞衆生類猶彼蜂衆響若干種悉分別了於三有等得解脫衆生皆得希望種種方便欲安隱之甚妙觀無厭足一切根無缺漏於息心衆中姪怒癡憍

慢之患更不熾盛極清淨柔軟而得度脫於是便說此偈

清淨之所生 供養華無比 無數功德具微妙最第一 欲得休息樂 衆生得清淨已能覺知彼 謂呼常有聲 己之所歎譽與世而相應 微妙第一色 善香最為妙

人中為最上 世人所歎譽 我今拜首禮無著大神仙

余時一切智有如是雲所謂九十一劫所造行思惟不淨神力所制所說無有異盡諸欲愛無有愁憂於諸三昧得到彼處以大慈悲為一切衆生使得功德百福具足使彼得休息已觀而觀彼於人民阿須倫鬼神之衆於三世而行慈皆使得清淨蔭涼得解脫門至要之處復以智慧光洗彼清淨人民之衆下至男女皆使得善於彼遊行得諸忍業得甚深法善衆生法而種善根衆生飢虛甘露之味憂彼不得度脫者以修行之法使彼覺一

切有為行皆悉無常苦空一切法無我涅槃
為第一樂等度此苦樂善悉分別言語具足
於種種眾中稱揚善法種解脫根姪怒癡滯
慢之法盡捨離之以無畏金剛之志度彼勤
苦之患於他眾中使受正法有恐怖者一切
智皆使愍一切一切惠施無所著是故拜首

禮雨甘露於是便說此偈

功德出照明 十力雲無比 當發歡喜心

說甘露除渴 已得無所畏 是一切智雲

已有降伏外 是故食甘露

尔時世尊有如是火所謂彼求行人民之類
皆求喜樂解脫得四等心所求已度第一義

樓十一

十

具足與智相應一切編三昧有是神力種種
名聞諸根力具足等至甚深已有此力無數
百千種此根戒一切法得自在三世最尊以
十力威神得無所畏是第一解脫得第一光
明第一空寂有如是之德布現深法於彼眾
生類訓誨使行忍度諸瞋恚言語柔和無所

傷損滅一切結使於學無學於四部眾善已
修行指授苦報如是彼功德極無量智成就
發趣於涅槃門而得供養第一尊重潤及眾
生是故拜首禮佛火於是便說此偈
能焚燒草木 火最無有崖 佛火第一妙
是故當拜首 佛火已滅盡 苦樂不復起

猶有遺功德 流布於世間

尔時世尊有是園觀極柔軟禁戒成就於彼
處所無有五蓋亦無石沙穢惡亦無坻山一
切諸法根本皆悉得自在大慈悲清淨無有
垢穢極自娛樂等度到彼有如是思惟功德
諸行淳淑力勢所為成善根本亦不移動於
法忍無狐疑等見八賢聖道悉具足得諸供
養無數百行不可稱計戒三昧具足十力悉
無有疑諸陰蓋解脫清淨誓願已果枝葉繁
茂於彼生華實生若干百三昧林悉皆茂盛
等見無邪見禪無色而自樂身慈悲喜護常
加眾生於其中間分別七覺意息心第一果

樓十一

十一

慚愧圍遶常念惠施求出要故有是清涼雲
以力拔諸結使有此勇猛欲得解脫功德不
可壞善覺集在彼除彼衆生姪怒癡得無所
畏猶彼阿若拘隣舍利弗大目捷連迦葉迦
旃延子阿那律難提金鞞羅難陀離越於彼
聲聞園中為聲聞王功德無比浴池清淨一

切布善三世所歎是故拜首禮頂於是便說
此偈

善典三世護 為彼萌類故 覺意華飾身
解脫果成就 聲聞衆中王 生功德無穢
常求彼樂處 必獲安樂處

介時世尊有如是空意同一色廣布無邊故

曰為空斷諸欲愛一切無所住以智果報一
切潤澤無有諸結亦無諸蓋以三昧受度諸
塵垢善出要以解脫清淨月善光以功德無
量意專一生常修一生梵堂懷歡喜智慧眼
清淨而境界淨斷諸結使故無所著已得大
慈故一切無處所分別意故種種得成就得

供養故不染於結使依彼心故不以淨不淨
染汙其心依彼聲聞衆種種鳥圍遶止觀具
足故極微妙不盡三昧林故星宿衆圍遶以
正法降伏外敵故難以為儔匹當作是觀猶
如有人得歡喜究竟其業必不有疑退轉本
處於是便說此偈

歡喜念愛樂 無有結塵埃 此有若干色
復能悉分別 一切得等意 欲作是稱譽
已到越彼岸 無有喜樂心

是時世尊有如是輪意止具足根力覺意無
有缺漏皆自莊嚴四神足最第一四意斷善
莊嚴身善口說教遠布七覺意等見而得解
脫以止觀無有癡愛已度彼三昧得無所畏
為師子吼無有恐畏辯才無礙得信歡喜精
進無懈怠念境界得度彼智慧解脫遊彼魔
境界無有欲愛功德具足消滅諸惡趣三乘
果微妙第一若成就滅彼魔衆三欲永盡諸
有愁憂苦惱永盡無餘亦無有愛亦無五蓋

樓十一

十二

亦無瑕穢依彼身盡捨離除去狐疑無有愚癡有覺有觀亦無憍慢隨時興起亦無顛倒永除邪見有威力歡喜滅結使降伏魔衆於是便說此偈

一切人供養 救度衆生類 無護爲作護
魔前轉法輪 彼輪無有等 天人所歎譽

已有此名稱 彼最爲第一

是時世尊因何金剛降伏彼魔所謂亦時世尊乘戒車被弘誓鎧有諸忍力以大雲爲清淨幢蓋以無結使執無欲權執持等見緣四禪愛慢得解脫清淨等志等語皆悉清淨以辯才智神足莊嚴自專其意解脫牢固無姪怒癡以覺意解脫明熾然一切具足無有三愛度一切結力勢不可壞至涅槃海無世俗患以智慧金剛後以智業滅諸惡趣十力解脫四無所畏降伏本所修習行無敗壞一切種種色像皆悉成就滅諸魔衆亦無所著於是便說此偈

種種來恐畏 金剛精進意 降伏彼魔衆
及餘諸塵結 諸有生有想 結使皆永盡

由是三昧行 故歸牟尼士

亦時世尊云何以法雨而雨之所謂轉不死法輪於八部衆中而歎譽此法百劫所求善行修行於慈轉牢固清淨法如是賢聖牢固

樓士

士三

住有出家之觀大威神無著復以忍智之力皆悉牢固解脫門若干種珍寶瓔珞本願所追還有其方便住其東方微妙之處於彼具多樹下極端正諸天塞虛空向東方坐觀察是時佛爲妙亦有中間作如是歡喜之散華而歎觀察是時若須倫之衆聞如是之德及諸神仙昔佛所造最勝幢蓮華稱佛錠光佛隨葉佛於彼大衆心得第一自在
亦時世尊擇迦文一切智諸天衆歡喜皆是本佛所造彼猶如轉輪聖王於境界而得自在世尊亦復如是於已無漏法中而得自在猶轉輪聖王自於境界衆生之類共闡譯者

悉能斷絕佛世尊亦復如是於聲聞中其有
衆生之類有狐疑於法者皆悉能斷猶如彼
轉輪聖王無財寶者皆悉能施佛亦復如是
諸乏賢聖寶者便以七財而惠施之猶如轉
輪聖王導引衆生以示正法

佛世尊亦復如是指授衆生至涅槃道猶如

轉輪聖王出現於世諸閉在牢獄者皆悉脫
之佛世尊亦復如是出現於世時於生死牢
獄便悉脫之於是便說此偈

法王爲第一 衆尊無過佛 愍彼衆生類
三界佛覆護 可事可恭敬 欲度不度者
如是功德著 佛覺不覺者

今時世尊有何城所謂四賢聖智慧止觀於
彼戒定地善相無爲行以智慧爲城郭以三
三昧爲却敵以佛解脫門爲闔以等見爲街
巷以念爲牆以意止爲澆以五根爲堂以禪
爲室以慙愧自障屏指授彼道以神足遊行
不可障蔽以覺意華自嚴飾以諦果爲行以

賢聖第一而自娛樂極安隱教授彼衆皆悉
濟度舍利弗目犍連有無數衆善想常遊教
化善滿具足所覺皆成就於彼浴池洗以戒
爲塗香辯才點慧以爲法服莊嚴其身以三
三昧爲食以法味爲漿七寶具足時世尊爲
大王學無學皆悉圍遶欲使彼衆到涅槃至

十四末

無畏處亦不退轉無欲於衆生得無所畏法
力具足諸陰入成就著於塵垢於是便說
此偈

諸惡已休息 大神仙所制 使彼得清淨
十力之所說 於彼釋城郭 常畏生老病
不至涅槃處 皆由衆生苦

僧伽羅刹所集佛行經卷第三 樓十一

嵐即合捷下唐沓符咸 屺山上音 淳下音 淑下音 澆下音

孰七反 澆七反 障下音 屏下音 慧上音 八反